

明
□
宗
□
皇帝實錄

天啟七年九月
至十二月

中央研究院
歷史語言研究所
校印本明實錄附錄之一

明
□
宗
□
皇帝實錄

明宗 皇帝實錄卷之

九月甲子朔分鎮桃林口太監楊朝報插漢虎墩兔以醉為婦吟
叱刺死插漢地名元小王子之裔嘉靖間插漢打來孫避俺答之
強與子土蠻火成等自宣府塞外移遼左順福餘諸部以自立土
蠻生卜彥卜彥生虎墩兔原與俺答吉囊兄弟同姓實插主而俺
答臣也俺答封王後至卜石兔得素臣之妻兼併其地虎墩兔復
強卜石兔走河套達原雖畏插漢以其淫貪失馭易餌也插漢曰
西向蠶食白言諸部

東廠太監魏忠賢乞辭任不許

平遼總兵毛文龍奏不平五事乞身求代不許

丙寅奉聖夫人客氏出外宅

太監魏忠賢乞免戶部喪禮香蠟三萬金從之

西虜犯寧夏鎮朔堡洪廣營總兵吳盡忠拒卻之

總督倉場戶部尚書蘇茂相請復放折兩月之例從之

丁卯司禮太監王體乾辭任不允

戊辰平遼總兵毛文龍許乏餉

定頒詔使臣

己巳戶部尚書郭允厚言國諱印色藍易濃溷請錢糧事獨殊印許之

庚午巡撫宣府右上都御史秦士文為兵部右侍郎兵科都給事

中楊所修為南京通政使

戶部奏令山東河南北直漕河黃河兩岸二百里內郡縣應解金太倉京邊各照時價改本色運至河上官自為解庶軍民交濟上從之

巡撫天津戶部尚書黃運奏奏預計關門內外糧料計關內兵六萬各月米五斗歲支共七十六萬七千六百石班軍兩防該米七萬二千石馬騾二萬四千匹四月至十月月九斗十一月至三月月一石二斗歲共二十九萬五千二百石預備料豆二萬石計關外兵八萬歲支米四十八萬石班軍二萬歲支四萬五千石加預備糧米三萬五千石馬騾三萬五千匹歲支豆四十三萬五百石

加預貯料豆三萬石通計米豆一百七十八萬三百石米派臨清
德州倉餘米盧鳳淮揚召買豆派畿郡召買外有鮮米十萬石解
布萬匹俱宜先期料理部覆從之

定先帝山陵於澹峪巔

壬申御門

丙子朝鮮國王李倬告因諭先帝已棄羣臣朕嗣位其知之
瑞王府成督工漢中工部郎中王惟先入朝奏頌厥臣

戊寅敕三殿功廩內臣錦衣衛指揮僉事十二人正千戶四十七
人

故貴州總兵官魯欽贈少保諡

立祠廕本衛指揮僉事世襲

己卯右副都御史署南京通政司使楊所修言兵部尚書崔呈秀
工部尚書李養德太僕寺少卿陳殷巡撫延綏右都御史朱童
蒙俱奪情非制上責其輕詆

工部尚書薛鳳翔求發帑百萬有事山陵命半之

庚辰進李從心太子太師李精白劉詔兵部尚書兼右副都御史
進張繼世山東按察使孫繼綿山西右布政使兼按察司僉事仍
故

壬午許太僕寺少卿陳殷守制其兵部尚書崔呈秀不允

癸未宰賽百餘騎犯參將高勳拒之擒七人

甲申上聖母貞靜賢妃劉氏尊諡曰孝純淵靜慈順肅恭毗天鍾

聖皇后

丁亥國子司業朱之俊論監生曹代何陸萬齡儲富奇誰祠挾道
宜罪命下獄

戊子諭停刑

督師遼東兵部尚書王之臣言西虜都令色倖乃蠻黃把都等以
數萬人東投建 幸其部落多不願往建 亦疑忌不令渡河其
部衆已大半西投虎墩兔懸今乃蠻黃把都部落夷目能乞兔金
歹青等男婦共五千七百三十來降臣令總兵杜文煥尤世祿侯
世祿朱梅副總兵王牧民祖大壽受之下部議降夷置塞外
兵部尚書崔呈秀等奏廣納事例

太監魏忠賢乞止建祠上優答之其前賜顧許如故餘輟

己丑巡按陝西御史袁鯨上言秦隴以西巖險鳥道一夫當關萬人俱廢過此階文微成番漢雜居礦徒嘯聚又過此河洲之西即海虜蘭州之北即松虜海虜兄弟八枝兵十數萬乞慶台吉黃台吉最黠黃酋見住西寧七月內叛番黃明策為引導縱橫於松山鎮鎮間每借市馬入城勾連北虜今且岌岌矣甘鎮兵馬減於援遼京運緩於呼庚至臨洮靖靖洮岷兵糧俱西安鳳翔平涼額編民運今欠至一二年何以稱有備無患也

庚寅立妃周氏為皇后嘉定周奎女選妃日授奎南城兵馬司副指揮今進軍都督府同知

進張素養右副都御史專理京營姚祚端為太僕寺少卿朱大啟
為太常寺少卿提督四夷館太常寺少卿陸文獻為太僕寺少卿
吏科都給事中陳爾翼為太常寺少卿

太師寧國公魏良卿少師安平伯魏鵬翼並給鐵券

辛卯詔曰朕聞坤順承乾兩儀乃以奠位內治贊外六合所以蒙
休王化攸關典禮是式朕荷天眷命序纘洪圖源惟儀刑於萬國
宜首崇位於母儀妃周氏受命先帝配朕潛邸含章體順懿範克
紹前徽率禮臨謙淑德允稱作合是用祇告天地宗廟社稷以九
月二十七日冊立為皇后正位中宮於戲佐一人以主鬯弘開有
道之長叶三靈以永綏益衍無疆之慶布告中外咸使聞知先是

詔曰朕惟思深鞠育孝大專親自古帝王暨王暨我祖宗列聖膺圖繼祚莫不致隆所生蓋以昭罔極之報而教氏孝也恭惟聖母无大含弘幽閑貞靜輔翼皇考誕子眇躬勤顧復之洪慈劬勞靡替廣啟迪之懿訓諄篤有加朕茲獲以幼冲寅承大寶瞻維兄終之及寶絲慈慶之鍾至德難名尊養靡及爰舉哀榮之典或昭追報之思參稽禮文尊崇諡號乃於天啟七年九月二十一日祇告郊廟社稷奉冊寶恭上尊諡曰孝純淵靜慈順肅恭毗天鍾聖皇后先遐禮於九泉播休聲於八表於戲至哉坤元詎模聖善之彷彿渙茲大號用昭祥發之根源布告華夷咸使知悉

癸巳巡撫江西右僉都御史楊邦憲巡按御史劉述祖各疏頌

臣請祠不許

明宗
皇帝實錄卷之

明宗 皇帝實錄卷之

十月甲午朔廣西大盜胡扶龍平初潯州之龍山扶龍據之

丙寅掠上黃村及於武平守備蔡文龍敗決廣西巡撫王尊德以副使潘應龍勦之集左江兵三千七百人以參將康承爵領之徵右江兵四千餘人以參將范景文領之二月進師得賊黨廖扶四為內間知胡通貴為謀主遣土舍陳威說道貴勸賊歸巢巢威等伏兵於旁執之兩江之盜始息

丙申工科都給事中郭興治言五事開經筵勤召對慎起居補考選課職業上是之

丁酉陽和衛正千戶劉致祖封新樂伯繼祖錦衣衛都指揮同知

封后弟姪文炳文耀並兵馬司副指揮周奎為都督同知

司禮太監徐應元蔭錦衣衛都指揮同知王之政王國泰王永祚
蔭指揮使又蔭徐恩元周世德商輔明正千戶曾文學張宗德李
承恩徐延年商作霖黃一魁李天壽副千戶王之政王國泰王永
祚范壽寧百戶又藩舊御前太監王佐陳秉政齊本正張永慶王
永年蔭百戶並世襲

己亥故大學士魏廣徵贈太師故

凌子優贈太常寺少

卿王繼曾為太僕寺卿諸允修為元祿寺卿鎮安伯徐汝孝進太
子太保

進大學士黃立極太保施鳳來張瑞圖李國樞左柱國兼吏部尚書

俸各廢中書舍人

翰林院檢討師雅助等頌 孝純皇太后於諸王

太監涂文輔搜太倉節省餘銀萬二千金進備恩賚上書之

庚子上憲宗達天闡道教孝篤友章文襄武端靖穆莊勤愍皇帝
初本哲上定為愍

辛丑頒詔於天下

遼東前屯火燬三千八百餘家

吏科都給事中陳爾翼言南京通政使楊所修奏仰體聖孝諸部
臣屢疏乞去夫君臣上下可相安無事而播弄多端萬籟不斷聞
東林餘孽徧布長安欲生事生風憂不在小乞勅下嚴衛五城緝

訪有旨羣臣流品經先帝分別澄汰已精朕初御極嘉興士大夫
臻平康之理不許揣摩風影致生枝蔓

御史李蕃賈繼春為太僕寺少卿

許浙江提學副使樊良樞致仕

辛丑詔曰帝王盛德弘施昭懿範於當時者皆有顯號今名祔諸
廟享傳之萬禩蓋非獨衣章前修正以永垂後美也恭惟皇兄大
行皇帝仁孝承先憂勤勵治兩朝聖德經闡繹而炳若日星三極
宸居善繼述以垂茲堂構王道正直挈繩準於朝端聖武旁昭暢
威靈於遐域蓋惟知人而善任以致外攘而內安御宇秉乾於茲
七載故休徵之疊至謂曆數其未央何期一人宵旰之勤竟貽率

士攀號之痛願余京德肇贊丕基念在耳之遺言愴因心之難報
遙進前烈用率舊章協衆論之僉同薦鴻猶於不朽乃於今十月
七日祇告天地宗廟社稷恭奉冊寶上大行皇帝尊諡曰達天闡
道敦孝篤友章文襄武端靖穆莊懇愍皇帝廟號憲宗於戲賓天
之駕雖遙敢忘陟降載德之名無數尚見雲牆布告萬方咸使知
悉

曾履吉爲光祿寺少卿添註

壬寅翰林院侍讀徐時泰檢討雷躍龍李若琳補日講官

大理寺右寺正許志吉報籍吳養春家資共六十萬五千有奇程
夢庚十三萬